

Comisario Jan van der Straten:

"Mi ta keda te ora cu e caso Natalee wordo solucionado"

ORANJESTAD (AAN)- "Mi verlof no ta importante, mi no ta bay tanten cu e caso di Natalee no wordo solucionado". Esey ta palabranan di Comisario van der Straten den un entrevista sosteni cu DIARIO. "Mi contract ta caba dia 15 di Augustus, mi tin un paar di dia liber esey ta verlof cu ta cuminsa for di 6 di Juli, pero mi no por ta bay sinta na mi cas siendo e caso grandi ta andando ainda."

"Mi a bise den team cu 6 di Juli mi tin cu bay cu pension, pero mi no ta bay cu verlof tanten cu no haya solucion den e caso. Esey ta hopi importante, e verlof di Van der Straten no ta importante".

E TA CONTENTO CU E SOSTEN DI PUEBLO

Segun Comisario como Comisaris ta hopi importante pa bo haya e sosten di e pueblo di Aruba. Y e ta agradecido cu e e sosten cu el a haya e ultimo cinco aña na tur momento cu tabata necesario. Y e ta contento cu tanto e pueblo di Aruba como tambe Cuerpo Policial y su famia ta para su tras den e momentonan mas dificil. Pa cu esaki Comisario ta manda un danki grandi na e pueblo pa nan sosten.

CASO NATALEE E CASO MAS GRANDI

Segun Van der Straten e caso aki ta esun di mas grandi te cu awor cu el a atende y no mester lubida cu nos mes hendenan ta bezig cu e investigacion. "Nos ta haya yudanza di FBI, nos ta haya yudanza di techniconan di Hulanda, laboratorionan di FBI, pero e nucleo di e team ta nos hendenan local. Nan mes tin e capacidad pa traha ariba e caso aki y nan ta trahando duro ariba dje te cu awor."

Mi tin confianza den un solucion, pero e caso ta hopi dificil, pero mester zorg pa tin tur sorto di tecnico, pa percursa nos haya e "solucion".

DECLARACION DI MINISTER

Relaciona cu e declaracion di Minister di Justicia caminda el a bisa cu tin un leak den e Cuerpo Policial caminda e investigacion ta tuma lugar y hasta a cuestiona y punta dede ariba un persona cu ta muestra den direccion di Comisario van der Straten y caminda el a hasta bisa cu el a busca un team di Corsow y Aruba pa cuminsa investiga e leak ta bin, Comisario van der Straten a bisa cu semper e ta respeta nos Minister di Justicia.

E caso di Natalee no ta un caso facil y segun Comisario van der Straten e no a tende nada di Minister di Justicia a bisa. Un cos ta sigur cu den e caso di Natalee aki, Aruba ta para fuerte contra tur hende, y no duna esnan cu ta bruha tera un chens ariba otro topico sino solamente ban traha ariba e caso pa solucion.

MINISTER TA HAYA ADVIES ROBEZ

Segun Comisario van der Straten, semper e cu Minister ta den "speaking terms". El a informa Minister di e caso, e ta yama Minister tur ora na momento cu algo pasa of tin algo nobo, pero den su pensamiento ta cu Minister no ta haya un bon advies rond di dje. Quizas hendenan ta jaloers of nan no ta gusta Van der Straten.

INVESTIGACION TA SIGUI

Relaciona cu e marinier-nan na dam di Moko, Comisario van der Straten a bisa cu nan a haya yudanza di oficiele instellingen. Minister President a pidi militaire bijstand pa un search patras di e dam cu ta importante pa e investigacion, pero Van der Straten no kier a duna mas informacion di esaki. E busqueda segun nos por a compronde ta a base di tipnan ricibi, ya cu e dam di Moko a wordo busca den dje y rond di dje como 2 biaha caba.

NO TA PADRINO DI JORAN

Relaciona cu e rumornan insistente tocante cu Comisario van der Straten ta padrino di e hoben Joran van der Sloot, e comisario a bisa cu esey ta coy loco. "Mi a haya tur sorto di ataque relaciona cu e caso aki, pero esaki no ta problema pa mi". Ataca mi, mi ta contesta bo, pero no ataca mi team, pasobra ami ta carga e responsabilidad pa polis y Sra. Jansen y Sra. Flanegin ta e vocero di team y nan ta carga e responsabilidad final di e team". Comisario a sigui bisa cu e no ta worry cu e ataquenan, y cu nan ta sigui pasobra e caso aki mester wordo solucionado pa e pueblo di Aruba. E famia di e mucha muher tambe tin e derecho tambe pa sa kico a pasa exactamente.

TEAM TA SIGUI

Na final Comisario van der Straten a bisa cu su team ta yen di entusiasmo pa traha, el a uza e palabra "cayente cayente", ya cu nos no por acepta cu e cosnan aki ta pasa na Aruba.

TELEFONNAN DI DIARIO
582-6747 - FAX 582-8551